



Šemsudin Mehmedović BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: 01-12/20
Sarajevo: 15.12.2020. godine

PRIMLJENO:			
Organizaciona jedinica	Klasifikaciona oznaka	Redni broj	Broj priloga
01-	50-1-	15-15/20	

Na ruke Predsjedavajuće ZD PS BiH

Na osnovu čl. 170. Poslovnika o radu Zastupničkog doma PS BiH postavljam:

Zastupničko pitanje

Presjedavajućem Vijeća ministara BiH

Ministar pravde Bosne i Hercegovine

Evropski sud za ljudska prava je 1. oktobra 2019. godine donio presudu kojom se nalaže da Bosna i Hercegovina mora ukloniti crkvu iz dvorišta Fate Orlović u Konjević Polju.

Ta presuda je postala konačna 1. aprila 2020. godine i od tada do danas nije ništa poduzeto kada je u pitanju njeno izvršenje, Bar koliko mi je poznato.

U vezi s tim Bosna i Hercegovina može snositi sankcije u Vijeću Evrope, a riječ je o diplomatskim mjerama, ali tko za to još mari. Može se uskratiti pravo našoj delagaciji da učestvuje u radu Parlamentarne skupštine Vijeća Evrope pa do toga da se Bosna i Hercegovina suspenduje, odnosno da se isključi iz članstva Vijeća Evrope zbog neizvršavanja, ne samo te već i ostalih presuda. Da to su neke od posljedica koje mogu zadesiti Bosnu i Hercegovinu. Ali nekima bi i to odgovaralo.

Da, naša zemlja nije ispoštovala više presuda Evropskog suda za ljudska prava, poput one koja se odnosi na predmet Sejdić – Finci, Zornić protiv BiH, Pilav protiv BiH, pa sve do slučaja nane Fate Orlović.

Nema potrebe da bilo ko podnosi bilo kakav zahtjev za uvođenje tih sankcija jer Komitet ministara prilikom razmatranja izvještaja o izvršavanju presuda protiv svake države po službenoj dužnosti razmatra eventualno uvođenje mjera i predlaže određene mjere Parlamentarnoj skupštini Vijeća Evrope.

Šta ste konkretno uradili da se provede ova presuda, u kojoj je građanka Bosne i Hercegovine pobijedila jedan cijeli nepravedni sistem.?

Šemsudin Mehmedović, zastupnik PS BiH